

مکملہ ادبی و سیاسی رسالہ

ادبی و سیاسی رسالہ اسبوعیہ در

۳۱ نجی سنہ

۲۵ ربیع الاول ۱۳۳۰

پنجشنبہ

جزو عدد : ۱۳۷

برفرانسز سیاحی

استانبولده ۱۱ کون

[مابعد عن جزؤ ۱۳۶]

صربدن ایندک . صدر اعظم دائرہ سنہ کیرمک قابل اولوب اولدیغنی قبوده بولنان پولیسدن صورددق . صدر اعظمک بولمخدیغنی و کیرمک ممنوع اولدیغنی سوبلیدی . سوق مراقایله کیرمک ایستدم . درت آباق زدناله چیقیلان بر سطحده کی قبودن دائرہ داخل اولدق . عرض و طولی یگر می بشله اوتوز متره اتساعنده بر صفه نك بعض طرفلری پاراوانله تفریق اولمش . نہایتده کی قبو (مجلس وکلا) به مخصوص ایش . قبوی اوطه جیلر آجدیلر . سیر ایندک . واسجه بر صالونک اورته سندم اورویا اصولده یشیل اورتیله ستر اولمش برسفره و اطرافنده وکلانک قولتقلری موضوع بولنیوردی . اوطه نك تاوان و دیوارلری گوزل نقشارله مزین و زمینده شرقک اک لطیف بر قالیجہ سی مفروش ایدی . دیگر بر ایکی اوطه یی ده قبولرندن باقہرق تماشا ایندک . بر اوروپایی ساعتلرجه مشغول ایدہ بیله چک شایان تتبع شیلری حاوی بولدق . کز دیرنلرہ بیان تشکرله برابر شرق عادتہ اتباعاً (بخشیش) ویرمک ایندک ایسده قبول ایتدیرہ مدک .

باب عالینک سائر اقسامی خارجدن سیر ایتمک ایستدم . دائرہ صدارتدن چیقہرق صاغه دونجه کندیمی . صول جہتم باغچه اولان جہہ بناده بولدم . طولانی اولان بوباغچه تیمور یارمقلقله تفریق اولمشدر . بنا بوجہتده اوتوز قرق متره قدر برنسقدہ دوام ایتدیکی حالده وسطده یوکسلور . بووکسلان قسم الیوم ویراندر . برقاج ماه مقدم برصوبدن طویششرق یاغش اولان شورای . دولت ایله قسماً داخلہ دائرہ لیدر . جہہ نك تام وسطندہ بولنان بو محل محرق

ایکی جناحندہ کی صدارت و خارجہ دائرہ لندن لسان حالہ استمدای اعمار
ایتمکدہ در .

سوقاق حکمندہ اولان یولہ ایسہ حالا محل محترقدن قالمش انقاض بولمقده
ایدی . یانمش دیرک یارچہ لری . زردبان باصہ مقبری ، صوبہ یارچہ لری ، بوریلر ،
قاناہ ، صندالیہ گبی قیرق دوکوک بعض موبلہ ، و آکا مائل اشیا طور یوردی .
بانجہ بردن برہ یوکسک بر سیدلہ نہایت بولیور . بونک آلت طرفندہ
باب عالینک (آرشیوی) خزینہ اوراق دائرہ سی وارد . ہر درلو اتصالدن بری
بروضہ مدہ در . آنک نہایتندہ قبالی برقبو کورینوری . وقتیلہ صدر اعظم
آلای ایلہ باب عالیہ بوقیودن کیرلر ایمش . بوندن طولانی (پورت سہرا مونی یال)
(آلای قبوسی) اطلاق ایدلدیگنی (بودہ کر) ایضاح ایدیور .

تکرار بر طریق مائل ایلہ صاغہ دونہرک خارجہ دائرہ سنک مدخلنہ کلدک .
برپولیس نفری بکلیوردی . بلا مزاحم ایجروہ کیردک . یک تنہا ایدی . خلزونی
برزدبان ایلہ یوقاری چیقہرق کندیمزی ، اوزری جاملی مدور برصفہدہ بولدق، کہ
اطرافندہ کی اوطہلر ، خارجہ نظارتنک اجلہ ارکانیلہ اقلامنہ مخصوص ایمش .
صدر اعظم گبی ناظرہ کلامش ایدی . دلیل ، خدمدن برینہ تقربلہ برشی سوبلدی .
صکرہ بگا دونہرک - ایسترسہ گز قبوسندن ناظرہ مخصوص اوطہی کورہ بیلیرسگز -
دیدی . مع الممنونہ موافقت ایتم . اوطہجی قبوی آجدی . ہاشمی اوزادوب
سیر ایتم . چوق ہجرملی واسع براوطہ ایدی . صاغ جہتہدہ ناظرک یازی
خانہ سیلہ صندالیہ سی بولنیوردی .

دائرہ بی ترک ایتمکدن صکرہ یوقوش بر سوقاقدن آشانیہ و صولہ صاہرق
قابالی اولان (آلای قبوسی) نک خارجندہ بولندیمزی آکلادم . بوقیونک
قارشیندہ کی کوشدہ چادر بیچیمندہ کارکیر برکوشک کاشندر، کہ آکادہ (آلای
کوشکی) دیورلر . برعصر اولکی سلاطین عثمانیہ صدر اعظم لرنک تشریفاتلہ
باب عالیہ کلیشنی بوکوشکدن تماشا ایدرلرمش . بوکوشکدہ ، یقین وقتہ قدر
تلغراف نظارتی بولنیورمش . شمدی متروک و مشرف خراب بر حالہدہ در . اوگندن

طراموای کچور. و آلت طرفده ده یوقوشی طرمانه بئلك ایچون طراموایه علاوه اولنان بارگیرلرک آخوری بولنیور .

بورادن قرق الی خطوه ایلروده قدیم سرایک باغچه سنه کیریلان (صوغق چشمه قبوسی) نامنده کی قبودن ایجرویه کیردک . قارشیمزه طرفینه سرویلر دیکلمش بر یول جیقدی . صول جهتمزده آشاغی به کیدن بشقه بر یول کورنیوردی . آنکله موازی دیگر بر یولده دیوار حداسندن نیور یولنه منتهی اولمقده ایدی .

بز قارشیمزده کی طریق مائلدن (موزه) لره طوغری یوریدک . قدیمه (زاردهن ره زروه) مناسبه (خاص باغچه) دینلان و حال حاضری ، (رومانک عتیق مزارلغی) آندیران بؤواسع محلدن براز ایلرولینجه واصل اولدینمیز ساحه ، نظرلرده جدآ بر ساحه مدنیه تمیل ایتمکده ایدی . فقط صاغ جهتمزده ، یوکسک و ییقیق دیوارلریله اوساحه معموریه خصمانه متوجه بولنان (ضربخانه) بناسانی کورمامک ایچون یوزمزی دانما صول جهته توجیه ایدیوردق .

بو ساحهده اوچ ضلع اوزرینه بنا اولمش بش دائرة مشهود اولمقده درکه صولدن برنجیسی (صنایع نفیسه) مکتبی و آنک ایلروسنده (جینیلی کوشک) دینلان قدیم (موزه) و صاغ طرفده بر قسمی (ساروقفاز) لره و دیگر قسمی هایکل نادیده به مخصوص اولان یکی موزملر و بویکی جناحک منتهاسنده الک صکره یابیش اولان و کتابخانه ایله (بدایع نفیسه) بی احتوا ایدن دائرة در .

بونلرک اوچی ده اسلوب یونانیده انشا اولمش غایت متین بنالردر . صاغ جهتمه کی ایکی دائرةک طولی ۱۸۰ متره و جهتمه کینک طولی بونک نصفی متجاوزدر . موزملرک بولندی بی بر ، بوندن یکرمی بش سنه اول ، باغچهک دیگر قسملریله هم حال ایمش . یکرمی بش سنه ظرفده بوشالری ، فقط بر آدمک سس سز ، صداسز ، تشبثات شخصیة موانع بر اندازانه سی وجوده کتیرمش . عثمانلی امپراطورلقتک مبادیسندن ، کچن اون طقوزنجی عصرک ربع اخیرینه قدر اوروپا موزملرینک سرمایه مباهاتی تشکیل ایدن بونجه آثار عتیقهک بقیاسندن

عبارت اولان و فقط يك عظیم قیمت و اهمیتى حائز بولسان بر چوق آثار بديعه نك يالگنز بر آدمك همت و غیرتى سايه سنده جمع ايدلمش اولديغنى كورمك ايسيتيانلر بوموزه لری زیارت ایتیلدرلر .

بو آدم - اورویا آثار عتیقه علماسی عنندنده حائز اشتهار اولان - حمدی بکدر، که بوندن بر بچق سنه مقدم و قاتيله همشهریلرینی دلخون ایتمشدر .

عبدالحمیدك ، اوروپالیسلره ابرازندن خالی اولمدینی جملهلرك عنندنه اك دكر سزی اولان بو آثار مهممی ، اوقیت ناشناس حكمدارك تسلطندن قورتارمق ، يالگنز قورتارمق دكل ، آنلری حفظ و تشهره مخصوص محللر ایچون قرق الی بیك لیرا تخصیص ایتدیرمك معجزه قیلندن بر موفقیت عظمادر .

بو آدم ، ممالك عثمانیه ده حفریات اجرا ایدمه جكلرك كشف و اخراج ایلده جكلری آثارك يالگنز قویهلرینی آلمنی نظامه ربط ایتمش . ایشته اوسایه ده ، اورویاده دخی مثلی اولیان بوموزه لر وجوده كمشدر .

ساروقفازلر میاسنده (اسكندر کبر) عادتیتی مروی بولنان و آنك دكلسه بیله هر حالده آنك جنراللرندن برینك اولان (لحد) بر خزینه دگر آثار بديعه دندر . خصوصاً منحوتات حجر یهیی تلون ایدن دورك اك كزیده بر اثر تراشیده سی بولسان يالگنز بو لحد ، بدایع نفیسه مقتونلرینی ، یدش لطافتنده ساعتلرجه والهانه وقفه کیر تماشا ایتمه کافیدر .

بو دارمه کی آثار عتیقه یی صریض و عمیق تماشادن صكره کتابخانه نك بولندینی قسمه کیردك . موزه مدیری اقزاده ایش . بوذات موزه لری تأسیس ایدن حمدی بلك برادری خلیل بکدر . کنندیسی ایسویچره ايله و یانه ده تحصیل ایتمش بر حکمت طبیعه و کیمیا متخصصی در . زمین قاتنده بولسان دارمه سنی زیارت ایتدك . بزى غایت ملتفتانه قبول ایتدی . اوفاق و هر درلو احتشامدن آزاده اولان اوطه سی ، بر صاحب علمه تعلقی بولسان بر چوق اشیایی حاوی ایدی . برادری اولان متوفانك اوطه سنی ده زیارت ایتدك . مؤسسك زمان حیاتنده استمال ایتدیکی اشیا ، نصل بر افش ایسه اق حالده طور مقدمه در . یازی خانه سی ،

اوزرنده بولنان تجملات ، صاحبك اعتياد و اخلاقي اعلان ايديوردی . يالگيز بر اكسي واردی . اوده اوطنك صاحبي ایدی .

خليل بك ، برسنه مقدم شهر اميني ايمش . استانبولك تنظيم و اعماری حقنده برخيلي مصاحبهده بولندق . كنديسك موزه جيلكدهكي وقوف و اختصاصي قدر ، بر شهرك اعمار و انتظامجه موقوف عليي اولان اسباب و وسائلدهده صاحب رأي و اقتدار اولديغني سوزلرندن استدلال ايلدم .

— نيمون چكليگيز ؟ ديه صوردم .

— موزهده كوريله چك بك چوق ايشلرم اولديغني ايجون ! — جوابي ويردی . هيچ شبهه ايتمكه شهرده بابيله چق شيلر ده چوق اولقله برابر ، بابلسي متعذر قيله چق بك چوق موانع بولنديغني كورمشنده چكلمشدر . چونكه استانبول كبي بر شهرك امرا اعمارنده ، جدتي غيرتلي ، جدتي تشبثلي ، تقدير ايله وسائلطني احضاره جدا همت و معاونت ايدم چك ارباب حكومت بولتماز ايسه اوروپادن اك مختصص بر شهر اميني دعوت ايدلسه ينه برايش كوره من .

بودارهك يوقاري قاتنده صدر اعظمردن متوفي جواد باشانك موزهيه اهدا ايتمش اولديغني اكثرى نسخ نادردهدن اوله رق ۶۰۰۰ كسور جلددن عبارت بر كتابخانهسي و آنكله ملاصق اصل كتابخانه بولمقدهدر ، كه برخيلي آثار نفيسه و ناديدميني حاويدر . بوندن يكرمى بش سنه اول بر جلد كتابي بولنميان موزه ، بوگون يكرمى بيگه قريب نوادر مؤلفات جمع ايتمشدر . بوده مؤسس متوفانك همت و غيرتيله اولمشدر . اوروپادن بيله بعض ارباب معارف برخيلي آثار اهدا وارسال ايلمشدر .

[مابعدی وار]

